

«MOTTAKERNAVN»
«ADRESSE»
«POSTNR» «POSTSTED»

Trondheim, 15.05.2017

Dykkar ref.:
[Dykkar ref.]

Vår ref.:
2017/1432

Sakshandsamar:
Geir Rune Rauset

Skadefelling av jerv i delar av Troms, region 8 - 2017 - utviding av periode

Miljødirektoratet set etter eige tiltak i verk skadefelling av opp til 2 enkeltdyr av jerv i delar Troms fylke, rovviltregion 8. Miljødirektoratet v/Statens naturoppsyn (SNO) er ansvarleg for gjennomføring av fellingsforsøka. Skadefelling vert gjennomført for å hindre skade på husdyr og tamrein.

Tiltaket er heimla i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13 jf. §§ 1 og 3.

Vi viser til vurderingane våre i "Skadefelling av jerv i delar av Troms, region 8, 2017" datert 31. mars 2017, inklusive lovgrunnlag for tiltaket, skadepotensiale og bestandssituasjon for jerv. Vi viser vidare til søknad frå Mauken Tromsdalen Reinbeitedistrikt v/ Nils Ole Henrik Oskal om skadefelling av jerv og dialog med rovviltnemnda i region 8 om prioriteringar av område for uttak av jerv.

På bakgrunn av ei heilskapsvurdering av situasjonen pr. i dag vurderer direktoratet at det ikkje ligg føre noko anna tilfredsstillande løysing i det aktuelle området enn ekstraordinært uttak av jerv. Skadehistorikk og skadepotensiale for sau og tamrein er gjeve avgjerande vekt i vurderinga. Bestandssituasjonen for jerv, søknad frå Mauken Tromsdalen Reinbeitedistrikt om skadefelling av jerv, nemnda si prioritering av aktuelle område for uttak og geografisk differensiering nedfelt i forvaltningsplan er andre moment som direktoratet har vektlagt i si vurdering. Eit slikt uttak vert vurdert til ikkje å vere til skade for jervebestanden si overleving, eller å kome i konflikt med det nasjonale bestandsmålet for jerv, jf. Innst. S. nr. 174 (2003-2004) og rovviltforskriften §§ 3 og 4.

Ut frå vurderingane ovanfor og med heimel i lov 19. juni 2009 nr. 100 om forvaltning av naturens mangfold (naturmangfoldloven) § 18 fyrste ledd b) og § 77, jf. forskrift 18. mars 2005 nr. 242 om forvaltning av rovvilt (rovviltforskriften) § 13, jf. §§ 1 og 3, set direktoratet av eige tiltak i verk felling av inntil 2 jerv innanfor eit nærare avgrensa område i region 8.

Følgjande vilkår er knytt til iverksetjing av felling:

1. Fellingsområde og tal: Totalt kan det fellast opp til 2 enkeltdyr av jerv i Troms fylke avgrensa av E6 i aust og FV858 Skjæret - Nordfjordbotn i nord
2. Miljødirektoratet v/Statens naturoppsyn (SNO) er ansvarleg for gjennomføring av fellingsforsøket. Fellingsforsøket vert gjennomført i tråd med fastsett Instruks for det statlige fellingslaget ved uttak av vilt.
3. Dersom yngling blir påvist i området der forsøk på felling av enkeltdyr er i gang, skal direktoratet varslast og gjere ei vurdering om løyve til felling av enkeltdyr skal endrast til uttak og avliving av årsunge (/ar) og mordyr frå ynglehi.
4. Vedtaket gjeld i tidsrommet 24 - 26. april 2017.
5. Miljødirektoratet kan til ein kvar tid trekkje tilbake løyve til felling.

Et slikt uttak av eige tiltak er ikkje eit enkeltvedtak, og forvaltningsloven sine klagereglar kjem ikkje til bruk, jf. naturmangfoldloven § 18 tredje ledd.

Dette vedtaket blei kommunisert per SMS og telefon til SNO 24. april 2017. Rovviltnemnda og fylkesmannen vart vidare informert.

Dette brevet vert sendt til rovviltnemnda i region 8, Fylkesmannen i Troms, Mauken Tromsdalen Reinbeitedistrikt, vedkomande kommunar og politidistrikt, Klima- og miljødepartementet, Landbruks- og matdepartementet og Mattilsynet.

Helsing
Miljødirektoratet

Dette dokumentet er elektronisk godkjend

Susanne Hansen
fung. seksjonsleiar

Geir Rune Rauset
rådgjevar

Tenk miljø - velg digital postkasse frå e-Boks eller Digipost på www.norge.no.